

[www.BibleForChildren.org](http://www.BibleForChildren.org)

# Mateo 8



Okanta mawatapaintsiri kitiijyiri, ari jaawakaitari nampitsiki iitachari Caná, saikatsiri Galilea-ki. Ari osaikakiri iijatzi inaanati Jesús janta. Ari ikaimakaantaitakiri iijatzi Jesús itsipatakari jiyotaanipaini.



Ikanta joimoshirinkaiyani, thaatapaaka imiritaiyarini.  
Opoña inaanati Jesús, okantanakiri otomi:  
"Thaatapaaka amiri". Okantanakiri iroori ikaatzi  
pakotantatsiri: "Pantiro onkaati inkantimiri notomi".



Ikantanakiri Jesús ikaatzi pakotantatsiri:  
"Pijaikitiro jiña maawoni kowitziki".  
Ijaikiroyitakiro kowitziki. Ipoña ikantzi  
Jesús: "Pinkitanaki kapichiini, paanakiniri  
aminakaantzirori oimoshirinkaantsi".  
Ari ikantaiyakironi.



Ikanta aminakaantzirori oimoshirinkaantsi jirawaki  
kapichiini jimiriitari piyanainchari ojiñaawita, tii  
jiyotzi tsika okinapaaki  
iroopirori imiriitari.

Apa jiyotaiyini  
pakotantatsiri,  
tima iriitaki  
jaikitakirori  
jiña.



Ipoña aminakaantzirori oimoshirinkaantsi, ikaimakiri  
aawakaachari, ikantziri: "Iro jamitari atziriiti  
jitapiintawo ipakotantziro  
tontaari jimiriitari,  
aririka  
inkimaniintaiyatyaani  
oimoshirinkachari,  
ari ipakotantaitziro  
jintaari. Irooma  
iiroka  
powaantakawo  
iroopirori  
jimiriitari  
irojatzi  
iroñaaka".





Jiroka jantakiri Jesús nampitsiki Caná saikatsiri  
Galilea-ki, iro itanakawori  
itasonkawintantzi ari  
joñaagantziro ishintsinka.  
Ari ikimisantapirotanakiri  
jiyotaanipaini.




Ikanta Jesús jataki ipankoki Pedro.  
Iñaapaakitziro riyoti, omaryaaka,  
imatatziro saawataantsi.



Jotirotantapaakawo kapichiini jako, shintsitanai.  
Piriintanaka, aminawakiniri oitarika ompawakiriri.



Okanta otsiniriityaanaki,  
jamaitapaakiniri Jesús  
ojoyiki mantsiyari,  
jamaitakiniri  
iiyatzi ojoyiki  
piyarishiritatsiri.  
Ipiyowintapaakari  
pankotsiki.




Joshinchaayitairi maawoni. Tiira ishiniti apaani piyari  
iñaawaiti joshinchaayitziri ikaatzi piyarishiritatsiri.  
Tima jiyotzi piyari irirori tsika jiita Jesús.



Ikowaiyakini atziri jantantawatyari  
kapichiini jako, tima  
otzimimotziri  
Jesús itasorinka,  
joshinchaayitakiri  
maawoni.



Tzimatsi 4 atziri pokashitakiriri Jesús jinatakotakiri kisopookitatsiri.



Tii okantzi jiñiiri, jotzikakiri  
atziriiti piyotainchari. Atiitanaki  
jinoki pankotsiki, jimoontakiro  
ikatziyakara Jesús,  
jowayiitakotakiniri  
mantsiyari.




Ikanta Jesús, jiyotakotawakiri  
jawintaashiritatyaari,  
jiñaanatawakiri  
mantsiyari, ikantziri:




"Notomí,  
ipiyakoitaimiro  
Pikaaripiroshiriwaitaki".  
"iPinkatziyi! Paanairo  
pomaryaaminto.  
Piyaatai".




Ipoña jotitanaa Jesús pitotsiki, itsipatanaari  
jiyotaani. Ikanta imontyaakotanaki,  
maanaki Jesús pitotsiki. Iro  
jiwiyaakotaiyakani  
niyantyaaniki,  
omapokashitaka  
otampiyatapaaki antawoiti,  
kitaatapaaka jiña  
pitotsiki,  
otamaryaatanaki  
inkaari.




Ikantanakiri irirori: "¿Iitama pithaawantari?  
¿Tikiraama pikimisantapirotziita?"  
Piriintanaka, jomairintakiro tampiya  
iijatzi otamaryani inkaari,  
awijanaki, mairyaatanai  
kamiitha. Iyokitzi  
ikantaiyanakani  
jaminanakiri Jesús,  
antawoiti  
ipinkathatanakiri,



ikantawakaiyani:  
"¿Iitama atziritatsiri  
jirika? Jomairintziro  
tampiya, iijatzi  
inkaari".





Tima jitakopirotari Pawa  
isaawijatzi, ishinitakiri japintziti  
Itomi inkamawintiri, iiro  
ikaamaniyitai inkaati  
kimisantairini, aña  
inkañaaniyitai.



Roma-Jatziiti 3:23 maawoni akaaripiroshiritaki.  
Irootaki iiro okantanta añaaayitairo  
jowaniinkawo Pawa.

Roma-Jatziiti 6:23 Jiroka "Kaamanitaantsi"  
iro kimiwaitakawori impinaitirimi  
antawaitapiintakironi kaaripirotsiri,  
kimitawaitaka iriimi ompiratani. Irooma  
"Kañaanitaantsi" iro kimiwaitakawori  
inishironkatani Pawa ipashitaariri ikaatzi  
tsipashiritaariri Jesucristo, Awinkathariti.

Hebreos 9:27 Iroowaitaki ikantaitziri:  
"maawoni atziri apawojatzi okanta ikami,  
impoña Pawa yakawintairini".



Efeso-jatziiti 2:8-9 Irootaki piñaantaawori  
pawisakoshiriyitai poshiriyitaari. Aña iri Pawa,  
kimitakaantaawori impashitaimiro  
awisakoshiritaantsi, tii iiroka matironi  
powawisaakoshiritya apaniroini. Ari onkantya  
iiro pasagaawintashiwaitanta.

Roma-Jatziiti 10:9-10 Aririka piñaanitaiyaawo  
pinkanti, Nowinkathariti jinatzi Jesús, aririka  
pawintaashiritanaiyaari Pawa iri owiriintairi  
ikamawitaka, aritaki pawijakoshiritai.  
Aritaki pawintaashiritaari irootaki  
jotampatzikashiritantaimiri. Aritaki añaanitaawo  
jiroka, irootaki jowawijaakoshiritantairi.



Juan 3:16-17 Tima jitakopiotaari Pawa  
isaawijatzi, ishinitakiri japintziti Itomi  
inkamawintiri, iiro ikaamaniyitai inkaati  
kimisantairini, aña inkañaniyitai.

Tima Pawa tii iro jotyaaantantyaariri Itomi jaka  
kipatsiki jiyakawintairi isaawijatzi, aña  
jowawijaakoshiritaatyiri.



1 Juan 5:11-13 Jiroka ikantaitakiri: Iri Pawa kantakaiyaawoni añaashiritantaiyaari, tima atsipashiritaari Itomi. Intzimirika oyaashiritanairiri Itomi ari jañaashiritai. Iriima kaari oyaashiritanairini Itomi Pawa, iiro jañaashiritai. Pipairyaapiintairi iirokaiti Itomi Pawa pikimisantairi. Irootaki nosankinatantzimirori jiroka onkantya piyopirotantyaari ari pinkantaitatyaani pañaayitai paata.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Ajyíninka Apurucayali Bible (cpc) © 2000, Wycliffe Bible  
Translators, Inc. All rights reserved.

<https://www.bible.com/bible/579/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

